

GRATIS
AWE
Mainta
e corant di Toko

GLORIA A YEGA



Pagina 10



ASINA NAN A KEDA

Pagina 3

Plaza
copycenter
Ave Millie Croes 8a - T. 582 1821
www.plazabookshop.aw

CARTEL
PRESENTS
Diaranson
6-9pm happy hour,
FREE TAPAS,
\$3 wine and
selected drinks

FATUM TA BIN CERCA BO!

Fatum ta sigui ofrece su servicio di pensioen

UNICO! Fatum ta garantisa 4% di rendimento di bo primanan di pensioen te ora di baha cu pensioen!

MAS SEGURIDAD CU

FATUM

A Member of the Guardian Holdings Group


Yama Fatum awe mes na 582-1111 pa un cita of manda un email na Jacopucci.madel@fatum.com of info@fatum.com

DN

PRONTO!

Candela na Antraco

A laga saldo di dos persona herida



Tin tur indicacion cu tabata e chofer di un forklift, kende pa motibo cu brake di e forklift aki a keda pega, a causa e chispa di candela den deposito di Witec y asina a origina e candela feroz. Dia biaha cu a surgi e chispa, anto den un lugar, yena di productonan flamable, no por a evita e siniestro cu a sigui despues. Varios di e blekinan di insecticida a explota, loke a causa manera ta un pagara tabata ser tira.

Chofer di e forklift aki, Dania, hasta a keda benta for di e forklift aki, y debi na su peso, e candela tur rond di dje, a haci dificil di por a lanta riba su propio forza. Mientras cu el a sufri algun quemadura serio na su curpa.

Tabata un otro persona, cu a desubri'e benta abao, cu un truck a logra di saca Dania, kende inmediatamente a ser hiba cu ambulance pa Dr. Horacio E. Oduber Hospital. Unda el a keda

interna y hasta dokternan a prefera di pone drumi, pa sosega, pa despues lant'e bek, sperando cu e ta mihor recupera.

Dania, fuera di a sufri quemadura, a guli masha di e producto toxico, cu ta dañino pa su salud.

Un di dos persona cu a keda herida, ta un miembro di Cuerpo di Bombero, unda un motor di aircu a cay riba su cabez. Ta danki na su helm, a evita lo peor, pero asina mes el a keda interna na Hospital.

E siniestro di dialuna ultimo

A laga daño material cuantioso, cu ta papia di entre varios mion di florin

Seguro lo tin cu cubri esaki



E candela di dialuna ultimo, ta un di e candelanan grandi cu Aruba a conoce y manera ser bisa, esaki ta un candela grandi, despues cu La Linda a kima den Caya Betico Croes, cu nunca mas a keda reconstrui.

E pregunta cu a ser haci ayera ta, si e candela aki por a wordo evita? Si tende for di declaracionnan di Robert Croes III, cu ta for di dia cu a construi e warehouse di Witec, parti abao di bloki y parti ariba cu aluminium, anto riba e limite di tereno tabata un violacion di construccion.

Antraco N.V. a denuncia esaki na varios ocasion, pero nada a ser haci. Y awe por mira e consecuencia, segun Robert Croes III.

Ayera mainta, por a mira miembronan di compania di seguro, Cuerpo di Bombero, TOD di Polis, DTI, y tur interesado a presenta n'e sitio di siniestro pa haci nan respectivo investigacionnan pa determina e causa exacto di origen di e candela aki.

Manera a ser bisa, cu no ta exclui cu Antraco N.V. lo por evalua cu nan abogado, un posibel caso civil contra di hasta Gobierno, cu no a duna oido na nan denuncia, cu manera bisa, awe por mira e

consecuencia, unda Antraco N.V. a bira e victima mas grandi di e siniestro aki.

Antraco N.V. ta sigura y sigur tambe Witec, pero no ta conoci si Witec su seguro ta cubri daño haci na tercera.

Durante henter anochi di dialuna, miembronan di Cuerpo di Bombero a keda, pa garantisca cu e candela ta bon paga, mientras cu polis tambe a tene su ronda di control.

Ayera mainta, despues di haci nan investigacion, a cuminsa na haci e lugarnan limpi, den preparacion pa re-construi sigur un otro Antraco, cu tin su bon nomber caba den nos comunidad.

Por a mira e candela tabata feroz, unda e beamman di hero a dobla, cu sigur a molestia e bomberonan den combatimento di e candela mes.

Oranjestad Laundry, unda den prome instante a ser bisa, cu e candela a origina, danki Dios no a sufri ningun daño di e candela aki, mientras cu Witec si a perde practicamente su deposito, cu tabata contene masha material toxico peligroso.

